



**Titiraq titirarhimayuq Havaagiyaannut Ministap taapkunanut Qulliq  
Aulatjutinut Kuapuraissingat Haffuma Mighaatigut:**

**Qulliq Aulatjutinut Kuapuraissingat 2014/15 Akittuutilaanginnut  
Uktuutikhaq**

**Titiraq 2014-04**

**April 28, 2014**

**IGLUNUT AULADJUTIKHAT AKILIUTAIT IHIVRIUQTIUYUT KATIMAYIITA**

**ILAUYUT**

Ray Mercer	Ikhivautalik
Graham Lock	Ilauyuq
Anthony Rose	Ilauyuq
Jimmy Akavak	Ilauyuq

**IKAYUQTIUYUT**

Laurie-Anne White	Aulapkaiyit Aulapkaiylluanga
Raj Retnanandan	Uqaudjaui

## **AULAPKAIYILLUAT TITIRAA**

Qulliq Auladjutinik Kuapuraissingga (QEC mik naittumik taivagaat) tunihiyut Akiliutait Uuktuutanik Havaagiyaannut Ministamut QEC kunnut, piumaplutik akittuqyuummirutikhamik akiliutainmik pittiagiplugu 2014/15 Uuktuutiani Uqiunggat. Uuktuut, ihuaqhaipluni, piumayauyut akittuqyuummirunmik 8.6 pusanmik talvani pidjutihimayumi auladjutikhanut akiliutainni (auladjutinut akiliutaa taamnaluhadjamin pidjutihimayumik Urhuqyuanut Akinggit 3.92 siansnik atauhirmun kWh) aadjikkuhiriami utirutikhat maniilliuqtaiyaaginni hivuatigut uqiuganni 2014/15 mi uuktukaffuktuni uqiuganni. Malikhugu ihivriungningga Uuktuuta, URRC kut pitquyut akittuqyuummiqplugu auladjutit akiliutait 6.8 pusanmik atuliqqat May 1, 2014 mi.

Qaangani titirarhimayuq akittuqyuummigut pidjutiniaqtuq akikhait akittuqyuumirnimun talvanga kinggullikmi Akiliutinut Uuktuutannit, ilangginni ilaani ihuittumik pidjutiliqpaqtut akittuqyuummigutitut utirutitut alruyaqurgittuniklu utirutaitanik. Akiqhat akittuqyuummiqpaqtut anggikliqyuummiraanggatta nutaanut pauwaqaqvianut amigaikyuummigumiklu auladjutikhait akikhaita. Nutaangnguyut ilaliutihimayut talvanga pidjutihimangmatta Akiliutatigut Uuktuutaa ilaliutihimayuq \$40.3 milian taalamik ilaliutihimavikhaanik Iqaluit pauwaqaqvilluanga imaalu \$22.3 miliantaalamik ilavikhamik Iqalungni tunihidjutiyaaginni amigaikyuummiklugu 25kV mut. Akiliutailuat hapkuat havaanggit akittuqyuummiqhimayut talvamin hivuatigun qun'ngiarudjutigiyaitnik tahamani Anggiyunik Havaaqaqtuni Pittaalaqiplitik Uuktuutit. Ukuaq akiqhat akittuqyuummiqhimayutlu taapkuatlu QEC kut havaanut atanniqtuilivinikkut imaalu akiit akittuqyuumirutinikkut akiqhilaaguminikkutlu uqaqvigiyait talvani Ilanggani 5.3.

QEC atuqhimaliqtaat taamna Inungni Havaanggit Kititiqirinikkut (PSA mik naittumik taivagaat) 2010/11 mi. Talvanga, QEC atugungnaiqtait atuqtauyualluittut atugat. Atuqtauyualluittut atugat taapkuanggyut: Urhuqyuanut atugungnaiqtait atuqtauyualluinmat atugat, inungnut ikayuutikhat katitiqhimayutlu akiliqtauffaaqhimayut ikayuutit atuganut, pihimaplugulu aanniqtuqaqqat ahiruqtauvigaqqatlu, tuhaanirmunlu akiqhat hivuatigutlu piiyariami ihuaqhaiyaami nunagiyaqhaat halummaqtirinirmunlu utuqqamun pauwaqaqviugaluqmun.

QEC kut ilauyuangmatta Nunavutim maniliurniatatigun, ihauqtiyaungman kititiqhimanirmun maniitnik titiraitanik Kuapuraisingga takudjutiuhqhat maniliurninggat qanuqtut piyaaqhaitanik utiqattaqtunik maningnik. Tun'ngaviata maniliurnahuarnirmun pilaarutaita aadlauyuq talvanga tun'ngaviatanit akiit utirutitlu maningnik illitturihimayut talvani titirarhimayun ataani PSA kititirinirmun maniitnik. Talvali, aadlauyut tamaita taapkuat maniliurnahuarnirmun maniit titiraita taapkuatlu akiliutait utirutitlu talvamit atan'nguyamit talvuuna akiliutirinirmun maniliurnahuarnirmunlu pivikhaitnik.

Puiruqtarhaunggittuq taapkuat kititirinirmun maniitnik titiraita illitturipkainirmunly piutainnik igluqpaup havaaqagamiuk QEC kut talvali piyaami auladjutinut munaqtauyaaginni nakuuqpiagtumik tuulliiqhimaittumiklu maliktuaqhugu niriugiyauyunik maliruararhautikkut. Taapkuat huuq pidjutivaktait illitturinikkut taapkuninga takudjutinnaqtunik titirarhimayunik maliruararhatigut atuqhutik piyuqhat. Malikhugit, URRC kut pitquyut qanuqtut pivikhamik hadjamin pidjuthimayumik piliuqhimayumik PSA tigut atuqpagainnik piliuffaaqlutik ilanggitnut atauqtauyuiktut atugat.

#### **14.0 NAITTUMIK TITIRARHIMAYUT URRC KUT PITQUYAINNIK HAVAAQAQTUMUT MINISTA UUMANGGA TITIRAANNIK**

Tahapkuat maliktut ataani pitquyauyut URRC kut anggiktauyuqhamik Havaaqaqtumut Ministamit:

1. 6.8 pusanmik akittuquyummingniaqtut auladjutit akikhait atuliqqat May 1, 2014 anggiktaulutik akiliutigiyaulutik QEC kut atuliqqat May 1, 2014. Pidjutiyaami ihumaliugutikhamik auladjutinut akiliutainnut, hadjamin pihimayut FST urhuqyuanut akinggit imaa ittun hadja 3.92 sians atauhingmun kWh mun katidjutiniaqtain talvamun pidjuthimayumun hadja akiliutainnut uvalu 6.8 pusanmik akittuquyummingniaqtuq talvunga auladjutinut akiliutaannut.

2. Taamna Minista pitqulugit QEC kut piyaaginni havaakhamik talvani hadjamin pihimayumit atuqtauliqhimayumi PSA ngat piffaagiagina atuqtauyualluittut atugat. Una havaakhaq

pitquniaqtuq QEC kunnut aadlanutlu GN kuni ilauyut pivalliaquplugit atuinnaqtuqhamik kititikhimayunik maniit titiraannik naunaitkutigilugu PSA kititirniata ilaliutiginiaqtaatlu aadlanggukhimayut, havaaqagumi taimaatun, inikhaqariaginni atuqtauyualuittut atugat QEC ni. Talvalu, atautikkuqhuni pivallianirmun atuqtauyukhamik kititiginirmun maniit titiraitanik, QEC kut piniaqtut atuqtaqhamik ilitturinikkut maliktauyuqhanik atuguararhat. QEC kut qanuqtut atuqpagainnik maniit auladjutaitalu malikhugit aturuararhat. Pivaangniata atuqtauyualuittut atugat talvani PSA atuqpagainni kititirinirmun pivalliyayuyukhat QEC kut uqaqvigilugut QEC kut maningnik ihivriuqtiyyinut, aadlatlu havaktut GN kut havakviitni ikayuqpaqtunut ihumagiyaayumut. Imaalu, URRC kut pitquqpiaqtait QEC kut uqaqvigiquplugit URRC kut uqaudjauyiit havaktiit talvuuna kititirinirmun maniitnik titiraita akinut utirutinutlu qaffini pidjutivarmatta uqiuni, imaalu tikiudjutigikpiaqlugu piimayayut ihumagiyaayut taapkuat tamaita akiliutainnut pivikhaita URRC ngat ammalu auladjutivikhainnut/kititirinirmunlu maniit titiraitani pitquyaayuni GN kunnit QEC kunnitlu. Talvanga pivikhaliuqqatta, QEC kut uuktungniaqtut Ministamut uqaudjauyimik qinikluni URRC ngat ihivriuniangnitakhaani ihumaliuqniaqhimayaitlu talvuuna.

3. Minista pitqulugit QEC kut maliktuaquplugit, imaalu ihumaliutqittaqlutik hivunikhaitanik upalunggaiyainirmun/takudjutitutlu pilutik akinik utirutiniklu nakuuyumik pinahuaqlutik akiliutikhainnut uuktuutait, qiuvikhaqaqlutiklu Maliguararhanut (Minista uqaudjaupluni URRC kunnit) ahinut pidjutigilugit utirutit aadjikiiriaginni auladjutinut atauttimut akikhait ikayuutikkut malikkuutitut maliktauyuqhat pivinggatlu piliuqhimayut talvani Maligakmi Malikkuutinilu.

4. Minista tikkuuqpluni QEC t-kunnut malikuplugit pitquyaayainnik titirarhimayuni Ilangganni 13.0 uumani Titiraqmi.

5. Taapkuat aadlangguktuqhauyut QEC kut piimayainnik taapkunani Malikkuutini Atugiararhanilu anggiquyait:

- Talvunggaaffaaqlugu tainiit “pittiangnahuaqhuni piyuk” talvani Tainiitni 4.4 mi 5.2 milu talvani Malikkuutini Atugiararhanilu.
- Ilaliutiligu tainiit “pittiangnahuaqhuni piyuq” ataani Tainiitni 4.5 havaagiplugu Anggiktaunggittuq Uuktuut Ikayuutikhamik imaa: Kuapuraissinga pittaaginnariaaqtut,

ihumaliuqtillutik pittiagnahuaqhuni piyuk, anggilimaitait kitumi Uuktuut  
Ikayuutikhamik imaa pigumik.....

**PITQUTIGIPLUGIT**

**AULADJUTINUT AKIKHAI IHIVRIUNGNINGGIT KATIMAYIITA NUNAVUNMI**



---

**DATED: April 28, 2014**  
**RAY MERCER**  
**CHAIR**